

Broj: 01-04-2- 476 /2024

Sarajevo, 05.11.2024. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (4) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

## **O D L U K U**

o poništenju postupka nabavke

### **I**

Poništava se postupak javne nabavke nadogradnje FMS baze podataka za potrebe Fonda za zaštitu okoliša Federacije BiH, provedenog putem otvorenog postupka javne nabavke, broj obavještenja o nabavci: 1382-1-1-52-3-45/24 od 07.10.2024. godine u skladu sa članom 69. stav (2) tačka d) iz razloga što nijedna od primljenih ponuda nije prihvatljiva.

### **II**

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj: 01-04-2-427/2024 od 03.10.2024. godine. Javna nabavka je sprovedena putem otvorenog postupka javne nabavke. Ukupna procijenjena vrijednost javne nabavke bila je do 44.100,00 KM bez PDV-a.

Obavještenje o nabavci broj: 1382-1-1-52-3-45/24 objavljeno je na e-Portalju javnih nabavki dana 07.10.2024. godine u 9:28 sati, dok je sažetak Obavještenja o nabavci objavljen dana 11.10.2024. godine u Službenom glasniku BiH, broj: 69/24.

Tendersku dokumentaciju broj: 01-04-2-5562/2024 od 02.10.2024. godine (u daljem tekstu: tenderska dokumentacija) preuzelo je 11 (jedanaest) ponuđača, dok je ponudu u skladu sa provedenim postupkom javne nabavke dostavio sljedeći ponuđač:

R.br.	Broj protokola	Naziv ponuđača	Datum i sat prijema
1.	U-04-7755/2024	E-LINE d.o.o. Sarajevo	23.10.2024. godine

Krajnji rok za prijem ponuda bio je 30.10.2024. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-440/2024 od 14.10.2024. godine (u daljem tekstu: Komisija) pristupila je javnom otvaranju ponuda dana 30.10.2024. godine u 12:15 sati, te je konstatovala da je dostavljena ponuda navedenog ponuđača blagovremena, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača na zatvorenoj sjednici, te je nakon izvršene provjere utvrdila da ponuda ponuđača E-LINE d.o.o. Sarajevo, broj: FZO-01/24 od 21.10.2024. godine sa ponuđenom ukupnom cijenom u iznosu od 44.100,00 KM bez PDV-a ne ispunjava sve uslove tenderske dokumentacije.

Ugovorni organ je u tački 5.4.1. tenderske dokumentacije propisao koje minimalne uslove u pogledu tehničke i profesionalne sposobnosti ponuđači trebaju da ispune. Uvidom u dostavljenu ponudu ponuđača E-LINE d.o.o. Sarajevo Komisija je utvrdila da ponuđač nije dostavio tražene dokaze u skladu sa tačkom 5.4.2. tenderske dokumentacije. S tim u vezi, ponuđač E-LINE d.o.o. Sarajevo isključuje se iz daljnijeg postupka javne nabavke iz razloga što je ponuda neprihvatljiva.

Nakon provedenog postupka provjere kvalifikacije ponuđača, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 30.10.2024. godine koji ujedno predstavlja i Izvještaj o radu Komisije, zajedno sa Preporukom za donošenje odluke o poništenju postupka od 30.10.2024. godine.


Uzimajući u obzir rezultate provedenog postupka, odnosno činjenicu da nijedna od primljenih ponuda nije prihvatljiva, u skladu sa članom 69. stav (2) tačka d) Zakona o javnim nabavkama, ugovorni organ poništava postupak javne nabavke.

U skladu sa naprijed navedenim, odlučeno je kao u dispozitivu ove odluke.

**POUKA O PRAVNOM LJJEKU:**

*Protiv ove odluke može se izjaviti žalba u roku od 10 (deset) dana od dana prijema ove odluke.*

Fond za zaštitu okoliša  
Federacije BiH



Slađan Bevanda, direktor

**Dostaviti:**

- ponuđaču
- Sektoru za finansije
- a/a